

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 487222 25 St
Tuzla, 22.07.2026. godine

Općinski sud u Tuzli, stečajni sudija Vedran Milašinović, u postupku predhodnog ispitivanja prijedloga za otvaranje stečajnog postupka nad dužnikom „Crosslink Timber“ d.o.o. Gračanica, ul. Gračanički skver (TC „Evropa“) sa podružnicom „Crosslink Timber“ d.o.o. Gračanica, Podružnica „Proizvodni pogon“ Gradiška, Laminci, Brezici 636A, dana 22.07.2026. godine donio je slijedeće,

RJEŠENJE

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom privrednog društva „Crosslink Timber“ d.o.o. Gračanica, ul. Gračanički skver (TC „Evropa“) sa podružnicom „Crosslink Timber“ d.o.o. Gračanica, Podružnica „Proizvodni pogon“ Gradiška, Laminci, Brezici 636A.

Za privremenog stečajnog upravnika imenuje Emir Mehurić iz Gračanice, ul. Branilaca kule grada b.b.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i
- uraditi kontrolu poslovanja stečajnog dužnika.
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama F BiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Gračanici i Službi za geodetske i imovinsko-pravne poslove Grad Gračanica, radi upisa zabilježbe otvaranja prethodnog postupka.

Obrazloženje

„Crosslink Timber“ d.o.o. Gračanica, ul. Gračanički skver (TC „Evropa“) sa podružnicom „Crosslink Timber“ d.o.o. Gračanica, Podružnica „Proizvodni pogon“ Gradiška, Laminci, Brezici 636A, kao dužnik, podnio je dana 16.05.2025. godine ovom sudu prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagача u smislu odredbe člana 58. stav 1. i 2. Zakona o stečaju („Sl. novine F BiH“, br.53/2021. u daljem tekstu Zakon o stečaju) i da je isti dopušten, dana 13.02.2026. godine, naložio je predlagачu da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagач „Crosslink Timber“ d.o.o. Gračanica, ul. Gračanički skver (TC „Evropa“) sa podružnicom „Crosslink Timber“ d.o.o. Gračanica, Podružnica „Proizvodni pogon“ Gradiška, Laminci, Brezici 636A, je dana 05.06.2026. godine dostavio sudu dokaz o uplati predujmljenih sredstava za finansiranje prethodnog postupka u iznosu od 4.000,00 KM.

Na osnovu priložene dokumentacije i to: uvjerenje Pu F BiH KPU Tuzla ispistava Gračanica od 06.05.2025. godine, potvrda MF banke od 17.04.2025. godine, dostava podataka registra ovog suda od 24.01.2025. godine, bruto bilans za period od 01.01.-31.12.2024. godine, obračun amortizacije stalnih sredstava na dan 31.12.2024. godine, prijava poreza na dobit od 01.01.-31.12.2024. godine, porezni bilans od 01.01.-31.12.2024. godine, bilans stanja na dan 31.12.2024. godine, bilans uspjeha za period 01.01.-31.12.2024. godine, posebni podaci o plaćama i broju zaposlenih uz godišnji obračun od 01.01.-31.12.2024. godine, aneks-dodatni računovodstveni izvještaj za privredna društva od 01.01.-31.12.2024. godine, godišnji izvještaj o investicijama za 2024. godinu i uplate predujma od 4.000,00 KM, predlagач je učinio vjerovatnim platežnu nesposobnost.

Na ročištu za saslušanje stečajnog dužnika održanog dana 15.12.2025. godine, zastupnik je izjavio da se društvo bavilo sitnom preradom furnira, prestala obavljati djelatnost krajem 2022. godine. Računi su blokirani duži vremenski period. Postoje obaveze prema upravi za indirektno oporezivanje, poreznoj upravi i nešto sitno prema radnicima, dok nema obaveza prema dobavljačima i drugim licima. Društvo u svom posjedu nema imovine s tim da ističe da je određena imovina društva otuđena nekad početkom 2023. godine iz prostorija podružnice u Gradišci (samo se tu obavljala djelatnost, ne i u sjedištu) taj događaj je uredno prijavljen policiji i tužilaštvu Banja Luci, međutim nema saznanja da je postupak pred tužilaštvom okončan. Tom prilikom su otuđene mašine i roba. Svi radnici su odjavljeni kod porezne uprave. Nakon što se desilo otuđenje mašina i roba više se nije obavljala djelatnost jer se ista bez otuđenih stvari nije nikako mogla nastaviti.

Iz svega navedenog proizilazi da društvo nije u mogućnosti izvršavati svoje dospjele obaveza od momenta dospijea u neprekidnom trajanju dužem od 60 dana od dana nastanka obaveze. Konačno stanje u pogledu eventualno drugih obaveza bi se moglo utvrditi u slučaju određivanja privremenog stečajnog upravnika koji bi sudu dostavio izvještaj o poslovnom stanju kod predlagача sa izjašnjenjem o uslovima za otvaranje stečaja.

Na osnovu podnesene dokumentacije i zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju.

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

Stečajni sudija
Vedran Milašinović

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.